



IBRAHIM HADŽIBAJRIĆ: Nesposobni načelnik koji je uništio stoljetni izgled sarajevske mahale Kovači

Poznato sarajevsko naselje Kovači promijenilo je izgled jer je načelniku općine Stari Grad, koji je postao nedodirljiv, bilo lakše da asfaltira dio ove ulice umjesto da nađe firmu koja će vratiti stare kocke kakve su tu bile stotinama godina. On nam je zbog svoje nesposobnosti uništio tradicionalni izgled mahale kojom se stoljećima ulazi u Sarajevo. A još smo ga uhvatili i u novoj laži

Objavljeno 26. Oktobra 2019. 23:57

GLAS NARODA



Ibrahim Hadžibajrić, višegodišnji načelnik općine Stari Grad, koji je zbog fotelje na svakim izborima mijenjao stranke, ponovo je pokazao svoju nesposobnost. Ali i bahati odnos prema stanovnicima njegove općine i svim građanima Sarajeva.

Nakon zahtjeva stanovnika ovog područja odlučeno je da se zamijene dotrajale granitne kocke u starom dijelu grada, na poznatim Kovačima, gdje se nalazi i najpoznatije šehidsko mezarje. I posao je dodijelio nekoj nepoznatoj firmi, Dinalsa d.o.o., za koju je malo ko u gradu čuo. Iako je od starta imao upozorenja da ovi to neće biti u stanju uraditi kako treba, iz samo njemu poznatih razloga dodijelio im je posao. I nakon punih pet mjeseci, kada je konačno shvatio da nisu u stanju da ga odrade, sjetio se da mora naći drugu firmu da posao privede kraju. A sredstva koja su do tada utrošena platiće građani, ne nesposobni Hadžibajrić iz svog džepa. Jer općina ih može samo tužiti, a do presude će proći godine do kada će ta firma prestati postojati i povrat novca neće biti moguć. Ali nije to prvi put Hadžibajriću da društvenim sredstvima građana ispravlja svoje greške.

I to nije sve. Hadžibajrić Ibrahim je čak odlučio da ne vraća stari izgled kompletne historijske ulice našeg grada, već da njen gornji dio umjesto vraćanja kocki – asfaltira. I to dio ispred, vjerovali ili ne, muzeja Alije Izetbegovića, našeg prvog predsjednika.

Zalud što su historičari upozoravali da se time uništava izgled i tradicija grada. Bahati gradonačelnik, kojem je višegodišnje gazdovanje očito

udarilo u glavu, misli da je najpametniji i već godinama se ponaša kao da je općina Stari Grad njegova prćija. A ko se usudi da mu proturječi iz kruga njegovih saradnika biva ekspresno otjeran ili smijenjen. A onda se postave njemu bliske (i drage) osobe.



”

NOVA LAŽ: Građani i struka su tražili asfalt

Hadžibajrić je izjavio i ovo:

“Slušam građane i njihovo mišljenje, pritom uvažavajući i struku i zakone. Ako građani koji žive na Kovačima jasno iznesu stav, pa i peticiju, da se dio ulice asfaltira jer je to najbolje i najpraktičnije rješenje za njih, onda se njihova volja treba poštovati”.

Tragom ove izjave uputili smo dopis Hadžibajriću da nam da na uvid peticiju, da nam kaže koji su to stručnjaci preporučili asfalt, na koji se to zakon poziva. Nije nam odgovorio. **Uhvaćen u laži jednostavno je prešutio.**

Evo ponovo ga javno pitamo: Gdje je ta peticija koju su građani napisali gdje traže da se uništi stoljetni izgled ove mahale. Prema našim podacima oni nisu bili za asfalt. Građani Sarajeva pogotovu nisu. Jer ovo je i njihova mahala.

Za ovakve stvari se logično pitaju stručnjaci, njihova bi trebala biti posljednja. I Hadžibajrić tvrdi da ju je konsultovao. Ali ne daje niti jedan podatak. Koja je to struka tražila da se uklone stoljetne kocke i u starogradsku mahalalu stavi asfalt. Mediji su bili puni izjava historičara koji su negodovali zbog ovog što nam radi. Niti jedan nije stao u njegovu odbranu. On nas drži da smo toliko naivni i neprofesionalni da nećemo provjeriti njegove izjave i otkriti da su pune neistina.

Kaže i da se rukovodio “slušajući zakone”. Koji zakon je Hadžibajriću dozvolio da uništi nešto što NIKO prije njega nije uništio. Generacije Sarajlija su ovo čuvale dok se nije pojavio ovaj nesposobni načelnik. Sad samo čekamo kad će reći:

-Hajmo asfaltirati i Baščaršiju, “bolje je”.

Baš kao što je nebrojeno puta mijenjao ploče na Ferhadiji i Štrosmajerovoj ulici. **A za čiji interes je to radio, zna samo on. Jer on uzima nestručne izvođače, čiji poslovi propadnu nakon desetak godina (predratni su stajali decenijama), pa onda za iste stvari plaća duplo, ali ne svojim već se razbacuje našim novcem građana.**

Da se ne radi o poslu koji je teško izvesti svjedoči općina Centar. Tamo su u kratkom roku za par mjeseci priveli kraju radove na zamjeni istih ovih granitnih kocki, u Ulici kralja Tvrtka. I pri tome Nedžad Ajnadžiću, načelniku, nije palo na pamet da zamijeni kocku asfaltom, jer čovjek brine o historiji i tradiciji ovog grada. Oni mogu, Hadžibajrićevi izabranici ne umiju.

Ovo je samo jedna od brojnih Hadžibajrićevih nepravilnosti na koje Sarajlije, a naročito mještani Starog Grada imaju primjedbe. Hadžibajrić troši stotine miliona maraka budžeta, pri tome po mahalama podijeli mrvice da građanima zamaže oči. Ne smije sam proći ulicom, općina mu plaća obezbjeđenje koje ga svakodnevno čuva od, kako on kaže, kriminalaca, a oni tvrde privrednika iz njegove općine kojima se zamjerio.

O poslovima u "četiri oka" u narednim nastavcima, o čemu je upoznata i SIPA. Kao i o tome kako je samo odabranima omogućio otkup poslovnih prostora. Ili kako je uspio da "sredi" sa kantonalnim tužilaštvom da mu drži u ladici godinama krivične prijave. Kako je bez dozvola omogućio nekim vlasnicima kafana otvaranje bašti, a druge zatvarao. Pa i o tome kako je samovoljno nabavio vozilo za (dragu) službenicu, bez odluke općinskog vijeća...

Posebna je priča kako je zadužio građane za millionske kredite koje će morati vraćati i naša naredna pokoljenja. Ne on, već naša djeca će to morati vraćati.

SDA: Kovači zbog Hadžibajrića izgledaju kao sramotno ruglo

Načelnik Općine Stari Grad Ibrahim Hadžibajrić brutalno i bezobzirno vrijeđa inteligenciju građana kada misli da vandaliziranje Kovača može proći neopaženo, napisali su u saopćenje Općinske organizacije Stranke demokratske akcije.

Saopćenje prenosimo u cjelosti:

"Nije samo problem u tome što je uništena tradicionalna podloga od kocke i što Kovači – gdje se nalazi najveće šehidsko mezarje u BiH – sa ovim Hadžibajrićevim improviziranim asfaltnim flekama izgledaju kao sramotno ruglo u najužem centru Starog Grada.

Nije jedini problem ni to što pompezno najavljena rekonstrukcija traje nedopustivo dugo, što građani ovog dijela grada trpe svakodnevne gužve i blokade. To je viđeno više puta u ovoj općini za vrijeme vladavine ovog načelnika i njegovih jataka.

Problem je u tome što osioni Hadžibajrić to pokušava predstaviti kao interes građana, a zapravo se radi o brutalnom prodavanju magle i ponižavanju građana iza čega se, očito, krije nečija lična i finansijska korist!

Vrijeme je da se otvoreno kaže kako načelnik koji se u prsa busa da je najbolji u državi prizna zbog čega je Stari Grad postao predmet ismijavanja i zbog čega je njemu i njegovim suradnicima nemoguća misija jednostavno zamijeniti kocku koja je zaštitni znak Kovača.

Nažalost, ovo nije usamljeni slučaj u Općini Stari Grad koja je posljednjih godina Hadžibajrićev poligon za svojevrсни "urbanistički i arhitektonski primitivizam" pri čemu je teritorij cijele Općine žrtva i ruglo, umjesto da bude ponos za Grad i državu", piše u [saopćenju](#).



Bivšem ministru uprave Lovri Kuščeviću prijete kazneni progon zbog sumnje da je na nezakonit način stekao i povećao vrijednost svoje imovine, kao i imovine njemu bliskih osoba, a što je nakon istrage otkrio USKOK.